

地 150.127
36
18

輝縣志

卷十九
卷末

第 十



輝縣知縣黔筑周際華石齋集輯

藝文志五

賦

國朝

蘇門山賦

孫用正

余生長茲土咫尺蘇門竹筇蠟屐早暮相尋蓋不知其
幾十百回矣然亦僅識其面貌耳愧肉眼之皮相使青
山之笑人甲辰之歲時維暮春鈞陽返轡息於衛濱漱
泉石濯塵襟以登以眺高唱微吟忽悠然其有會如締
交之伊新聞之兩山對峙曰門蘇門者樵蘇之門也踞

輝縣志

卷十九

藝文

賦

一

百泉之上故又曰百門其山屈曲纒犬如拳草木濯濯
容色黯然胡為擅中原之令譽歷千載而永傳論者謂
茲山也因泉而得名者也彼太行之西南而東北也岌
業峯崒曲折蜿蜒昂首掉背飛舞騰騫渴飲東海飢刷
幽燕作遼左之門戶為冀北之闕闕爾乃餘支剩派顧
盼盤桓如羣鳥之翔而下集峯迴勢轉虎踞龍盤上接
方山之秀氣下洩靈異於百泉砂隙石竇脈脈涓涓噴
吐虜沸細碎清漣其始也貫纍纍於珠樹繼乃散冰顆
為玉烟水面則亭臺交錯波底則荇藻相牽魚蝦游泳
鷗鷺飛還四時變態氣象萬千是故登斯山也覽斯泉
也覺耳目之頓異有樂而忘返者矣然其所以為異者

猶在水而不在山也至於琳宮錯落貝闕莊嚴高擎傑閣低廠幽軒晨鐘暮鼓佛號喧闐人爭謂勝地供人爲點綴而不知皆山之所謂贅癩者也若夫春華秋月永日涼天呼朋載酒聯袂摩肩奚囊詩韻校齒爭先或則攀烟巒之轟轟或則藉芳草之阡阡或則嘯歌喉於崖畔或則逞雄辯於詞壇或則抒高懷而望遠或則抽幽思以凭欄庶幾哉蘭亭勝事雅集羣賢紀快遊於此日續遺響於當年而山靈猶若苦爲晉接者惟是石上尋異人之跡洞中訪出世之仙辨蝌蚪於古篆問九轉於還丹長春子示我以秘籙而處元處端飲我以瓊筵眼底塵世頓隔仙凡雲中雞犬非復人間山之所以表異

輝縣志

卷十九 藝文

賦

二

者或在此乎乃睇而視之靜而聽之猶若未愜其意旨恒俯首而無言噫嘻吾知之矣山不在高各有所托元氣渾淪不雕不琢全我本來守我樸拙既不欲與飛來諸峯共其玲瓏又不欲與吳山虎邱爭其闢蕪儼然守道君子也深自退藏而惟恐不密者也以故高士擇地晉有孫登浮雲富貴塵土簪纓相視莫逆托跡山中百世而下登其臺者猶將聆一絃之清韻聞長嘯之鸞聲後誰嗣響厥惟康節不扇不爐棲身土穴頓悟先天振古豪傑遂使蘇門一片石爲天根月窟之樞紐而嵩華泰岱舉不足與較其曼絕因之周程夫子姚許諸公或師或友負笈擔簦建太極之書院闢大道之齋叢自宋

訖明人文代起希聖希賢淵源濟美屬在後起者孰不
溯活水之源頭向高山而欽仰止然則斯山也直可謂
尼邱分體鄒魯鍾靈斯文借以不墜學術賴以振興豈
猶夫一邱一壑徒以供騷人墨客之遊賞而無關重輕
者哉乃賦其事而繫以歌歌曰山之趾白石齒齒泉且
旨兮山之阿高人之窩永不磨兮山之巔以嘯而傳高
不可攀兮山之中賢哲挺生多士景從兮蘇門兮百門
兮

詩

周

柏舟

共姜

輝縣志

卷十九

藝文

賦

三

汎彼柏舟在彼中河髡彼兩髦實爲我儀之死矢靡他
母也天只不諒人只

汎彼柏舟在彼河側髡彼兩髦實爲我特之死矢靡慝
母也天只不諒人只

思歸引

衛女

昔衛侯有女趙王聞其賢聘之未至而王薨太子欲留
之女不聽拘於深宮欲歸不得援琴而歌曰

涓涓泉水流於淇兮有懷於衛靡日不思執節不移兮
行不隕輶軻何辜兮離厥菑嗟乎何辜兮離厥菑

涓涓泉水流於淇兮有懷於衛靡日不思執節不移兮
行不詭隨坎坷何辜兮離厥茨

魏

酒會詩

嵇康

樂哉苑中遊周覽無窮已百卉吐芳華崇基邈高峙林
木紛交錯元池戲魴鯉輕九斃翔禽織綸出鱸鮓坐中
發美讚異氣同音軌臨川獻清酌微歌發皓齒素琴揮
雅操清聲隨風起斯會豈不樂恨無東野子酒中念幽
人守故彌終始但當體七絃寄心在知己

唐

七賢堂

朱灣

嘗慕晉高士放心耽沉冥湛然對玉壺土木為我形下
馬覓陳迹披榛詣荒庭相看兩不言猶為醉未醒長嘯

魏縣志

卷十九

藝文

詩

四

或可擬幽琴難再聽同心不共世空見蘇門青

嘯臺

賈島

如聞長嘯春風裏荆棘叢邊訪舊蹤地接蘇門山近遠
荒臺突兀祇高峰

宋

蘇門夜雨

周敦頤

秋風拂盡熱半夜雨淋漓遶屋是芭蕉一枕高響圍恰
似釣魚船棚底睡覺時

安樂窩

邵雍

安樂窩中一部書號云皇極意何如春秋禮樂能遺則
父子君臣可廢乎浩浩義軒開闢後巍巍堯舜協和初

炎炎湯武干戈外物恂桓文弓劍餘日月星辰高照
皇王帝霸大鋪舒幾千百主出規制數萬億年成楷模
治久便憂強跋扈患深仍念惡驅除才堪名世有時有
智可濟時無世無既往盡歸閑指點未來須俟別支吾
不知造化誰爲主生出許多奇丈夫

安樂窩中詩一編自歌自咏自怡然陶鎔水石閑勲業
銓擇風花靜事權意去乍乘千里馬興來初上九重天
歡時更改兩三字醉後吟哦五七篇直恐心通雲外月
又疑身是洞中仙銀河洶湧翻晴浪玉樹查牙生紫烟
萬物有情皆可狀百骸無病不能蠲命題濫被神相助
得句謬爲人所傳肯讓貴家常奏樂寧慙富室賸收錢

輝縣志

卷十九

藝文

詩

五

若條此過知何限因甚臺官獨未言

安樂窩中一炷香凌晨焚意豈尋常禱如許兔人須請
富若待求天可量且異緇黃微廟貌又殊兒女裊衣裳
中孚起信寧煩禱无妄生災未易禳虛室清冷都是白
靈臺瑩靜別生光觀風禦寇心方醉對景顏淵坐正忘
赤水有珠涵造化泥丸無物隔青蒼生爲男子仍身健
時遇昌辰更歲穰日用照臨功自大君臣庇廕效何長
非徒聞道至於此金玉誰家不滿堂

安樂窩中酒一罇非唯養氣又頤真頻頻到口微成醉
拍拍滿懷都是春何異君臣初際會又同天地乍錮緇
醺酣情味難名狀醞釀功夫莫指陳斟有淺深存變理

飲無多少寄經綸卷舒萬世興亡手出入千重雲水戶
雨後靜觀山意思風前閑看月精神這般事業權衡別
振古英雄恐未聞

安樂窩八詠

邵雍

安樂窩中快活人閑來四物幸相親一編詩逸收花月
一部書嚴驚鬼神一炷香清冲宇泰一樽酒美湛天真
太平自慶何多也惟願君王壽萬春

安樂窩中事事無惟存一部伏羲書倦時就枕不必睡
忻後攜筇任所趨准備點茶收露水隄防合藥種魚蘇
苟非先聖開蒙吝幾作人間淺丈夫

安樂窩中弄舊編舊編將絕又重聯燈前燭下三千日

輝縣志

卷十九

藝文

詩

六

水畔花間二十年有主山河難占籍無爭風月任收權
閒吟閒咏人休問此箇功夫世不傳

安樂窩中春夢回畧無塵事可裝懷輕風一霎座中過
清樂數聲天外來日影轉時從杖履花陰交處傍樽壘
人間未若吾鄉好又况吾鄉多俊才

安樂窩中春夢時閉門慵坐客來稀瀟瀟微雨竹間霽
嘒嘒翠禽花上飛好景盡將詩紀錄歡情須用酒維持
自餘身外無窮事皆可掉頭稱不知

安樂窩中甚不貧中間有榻可容身儒風一變至於道
和氣四時長若春日月作明明主日人言成信信由人
唯人與日不相遠過此何嘗更語真

安樂窩中雖不拘不拘終不失吾儒輕醇酒用小盞飲
豪壯詩將大字書花木暄妍春雨後山川澄淨九秋餘
閒中意思長多少無忝人間一丈夫

安樂窩前小江曲新蒲細柳年年綠眼前隨分好光陰
誰道人生多不足

安樂窩

邵雍

堯夫何所有一色得天和夏住長生洞冬居安樂窩鶯
花供放適風月助吟哦竊料人間樂無如我最多

春郊十詠

有序

邵雍

予家有園數十畝皆桃李梨杏之類在衛之西郊自始
營十餘載矣未嘗熟觀花之開屬以男子之常事也去

輝縣志

卷十九

藝文

詩

七

年冬會病歸自京師至今年春始遇花之繁茂復悼身
之窮處故有春郊詩一什雖不合於雅焉抑亦導於情
耳慶歷丁亥歲

春郊閒居

居處雖近郭不欲登城市盡日客不來至夜門猶閉院
靜春正濃廳閑晝復寐誰知藜藿中自有詩書味

春郊閒步

病起復驚春攜筇看野新水邊逢釣者隴上見耕人訪
彼形容苦耐予家業貧自慙康濟力未得遂生民

春郊芳草

春風必有刀離腸被君斷春風既無刀芳草何人剪

斷不復接草剪益還生誰人有芳酒爲我高歌傾

春郊花開

桃李正芬敷花繁覆做虛亂香尋密牖碎影下前除靜
遠晝眠後輕攀春醉餘縱然觀盡日誰敢罪狂疎

春郊寒食

郭外花亦繁不謂繁花失幸非在郭中不見繁華物不
寒不暖天半陰半晴日花外鞦韆鳴月隔鞦韆出

春郊晚望

風暖囀鳴禽天低薄薄陰烟容凝壘曲雨意弄河心柳
隔高城遠花藏舊縣深獨憐身臥病猶許後春尋

春郊雨中

輝縣志

卷十九 藝文

詩

八

九野散漫漫連昏爲道間坐中迷遠樹門外失前山襍
穡耕夫喜嶰幪居者閱醫人正凝黠天際意初還

春郊雨後

雨歇蕩餘春天光露太真茵鋪芳草軟錦濯爛花新風
觸鶯簧健烟舒柳帶勻如何當此景閒臥度昌辰

春郊舊酒

花開風雨後忍病欲消磨未是疎狂極其如困頓何梁
間新燕亂天外去鴻多總是灰心事冥焉晝午過

春郊花落

春暮多風雨離披滿後園曉餘殘片擁晴外亂紅翻香
徑難留裏嬌心絕弄繁成蹊是桃李狼藉尙無言

自遣

邵雍

讀書忘歲月人競笑蹉跎但得甘旨足寧辭辛苦多龍泉去鉞刃蝸角亦風波知我為親老不知將謂何

寄人

邵雍

淇水清且泚泉源發吾地流到君家時盡是思君意

安樂窩

程顥

打乖非是要安身道大方能混世塵陋巷一生顏氏樂清風千古伯夷貧客求墨妙多攜卷天為詩家剩借春儘把笑談親俗子德容猶足畏鄉人

嘯臺

蘇軾

高士隱蘇嶺平臺留至今峰巒相掩映松柏共陰森自

輝縣志

卷十九

藝文

詩

九

是甘潛迹誰言竟陸沉喜觀三絕易時鼓一絃琴作炭人能識投河怒不侵當年居士窟素志樂山林阮籍聞長嘯嵇康愧夙心谷巖悉響應鸞鳳比聲音信是江沱咏誠非澤畔吟我來重遊覽清氣逼塵襟

太行山

范成大

西北浮雲捲暮秋太行東麓照封邱橫峯倒嶺知多少行到燕山翠未休

金

蘇門山

元好問

太行元氣老不死上與左界分山河有如巨壑昂頭西入海突兀已過餘坡陀我從汾晉來山之面目腹背皆

經過濟源盤谷非不佳烟景獨覺蘇門多湧金亭下百
泉水海眼萬古留山阿虜沸灤水源瀟淪晉溪波雲雷
涵鬼物窟宅深蛟鼉水妃簸弄明月璣地藏發泄天不
訶平湖油油碧於酒雲錦十里翻風荷我來適與風雨
會世界三日漫堯羅山行不得山北望空長哦今朝一
掃衆峯出千鬟萬髻高峩峩空青斷石壁微茫散烟螺
山陽十月未搖落翠蕤雲旂相盪摩雲烟故爲出濃淡
魚鳥似欲留婆娑石間仙人跡石爛跡不磨仙人去不
返六龍忽蹉跎江山如此不一醉拊掌笑殺孫公和長
安城內烏尾訛并州少年夜枕戈舉杯爲問謝安石蒼
生今亦如卿何元子樂矣君其歌

輝縣志

卷十九

藝文

詩

十

石門廟

元好問

三仙祠下往來頻憔悴征衫滿路塵簫鼓未休寒食酒
樵蘇時見舊都人吹殘芳樹紅仍在展放平田綠已勻
西北并州隔千里幾時還我故鄉村

兩崖懸絕倚山垠草徑低迷劣可分潭影乍從明處見
竹香偏向靜中聞石林萬古不知暑茅屋四鄰惟有雲
曳杖行歌羨樵叟此生何計得隨君

元

梅溪

耶律楚材

冷落梅溪二十年今日天教屬玉泉月榭琴堂半頽毀
冰姿問道尚依然

玉泉蓮芰逼人清敢與梅溪也抗衡今日湛然都入手
二橋風月老餘生

竹邊斜出兩三枝月底風前總恁宜小苑清香無處着
多應勾引玉泉詩

積年戊甲蕩蘇門辜負梅溪月一痕遠寄新詞訪陳迹
憑君招喚玉香魂

溪畔亭臺半劫灰冰香可惜爲誰開而今已有人爲主
折取疎枝寄我來

湛然垂老不愁貧得與梅溪作主人問訊冰華無恙否
香魂應也長精神

寄詩梅甫問平安彼此天涯耐歲寒筆力盡衰詩思退
算來猶自勝居官

溪邊酌酒歡無盡花底橫琴興亦奇獨樂清歡人不識
箇中惟有湛然知

素餐十稔我胡然潦到而今欲避賢寄語梅溪且寧耐
求歸更待兩三年

蘇門山

許衡

大山如蹲龍小山如踞虎煙嵐鬱蒼翠遠近互吞吐我
來蘇門居遨遊成樂土策杖望朝雲捲簾看暮雨佳意
豁塵腥勝槩入談塵使我鬱陶消使我勞瘵愈生平鄙
吝心一洗出千古回首聲利人何殊坐圜圍遠役非素
懷况有跋涉苦吟鞭裊東風遲遲如去魯芳菲二三月

追遊盛梅塢歸來原無違一觴期對舉

紫薇觀

許衡

山水年來滿意看只無幽竹伴幽閒從君願乞龍孫去
裁向西城空隙間

寒缸挑盡火重生竹有清聲月有明一夜客窗眠不穩
却聽山犬吠柴荆

都笑謀生我最迂我思猶恐不能愚紛紛走入荆榛裏
誰肯輕身與並驅

腹餒衣單坐未溫可堪開口話義文西風更動蕭蕭竹
清徹先生十一分

贈竇先生

許衡

輝縣志

卷十九

藝文

詩

三

西山山下覓幽村水竹鄰居擬卜君豈意天書雪白屋
便收行李入青雲功名准自英賢立得失防因去就分
萬里風沙渺南北請歸消息幾時聞

謝人惠田

許衡

晚年幽興入幽居擬卽君侯置一區令德久思親慷慨
佳田今許乞膏腴太行西對千峰玉淇水東窺萬斛珠
幸着此身於此老願從樂正五人俱

湧金亭

王暉

曉雲扶山山氣昏坐來萬壑橫朝暎丹崖翠壁畫莫出
但覺詩景供愁新地靈祠古秘幽怪天授神柄專其尊
年年簫鼓祠下路東風十里楊花春我來愛此山水靈

天氣着物清而溫，湧金亭上一盤礴。主人留醉幾金樽，
水邊滉漾多麗人。往來但見珠翠裙，不知仙家足奇貴。
明珠脫串一一浮，出摩尼真波間可玩不可摸。雲錦翻
動波環益，書生潤身那羨此。席上正有吾家珍，舉杯酌
酒但默禱。山靈垂意哀王孫，願分秀色貯詩腹。一洗萬
斛胸中塵，仙官有請固不拒。山鬼竊笑君無因，不然結
茅傍修竹，雲烟占斷西湖曲。月明舒嘯北山巔，喚起公
和跨黃鶴。

竹林

王惲

不到山陽二十年，黃墟空鎖竹林烟。胡盧笑殺嵇劉輩，
又向西山着祖鞭。

輝縣志

卷十九

藝文

詩

三

竹林高臥世稱賢，隱放遺簪未許權。千古歸潛書法在，
一回來讀一偷然。

七賢堂

王惲

作者當年亦七人，粗聞名姓孰能親。山陽首作彈冠舉，
却恐筠林是要津。

百門泉

劉賡

一泓寒碧湛清空，噴玉跳珠不少停。落日湧金亭下看，
百泉亭似萬泉亭。

客來詎敢濯塵纓，瑣瑣區區效寸誠。願乞一杯亭下水，
散爲霖雨濟蒼生。

梅溪

劉賡

太行山色撲庭除，踈影橫斜水竹居。
嵩巒愛梅林處士，蘇門風景勝西湖。

明

太行山

于謙

信馬行行過太行，一川野色共蒼茫。
雲蒸雨氣千峯暗，樹帶溪聲五月涼。
世事無端成蝶夢，長途隨處轉羊腸。
解鞍盤礴星軺驛，却上高樓問故鄉。

衛河詠古

薛瑄

衛河冰泮綠波勻，南野春回翠麥新。
淇竹舊曾歌睿聖，柏舟猶自咏夫人。
太師遺表當官路，西伯荒臺在水濱。
靡靡遺音今已矣，東風依舊鳥聲頻。

輝縣志

卷十九

藝文 詩

古

杜太尉墓

曹安

東出共城門，古墓何纍纍。
就中如夏屋，下馬讀銘碑。
始知太尉名，富擅政和時。
詎知邑境中，倉皇來赤眉。
勇敢率子弟，肆殺力弗支。
編氓賴保全，迄今令名垂。
潺潺百泉流，日夕聲猶悲。

三仙洞睡起

無名氏

茵枕松牀午夢覺，莞然一笑秋陰薄。
自慙濟世無他才，只合歸山伴野鶴。

山下且同雙鶴棲，洞中長與白雲期。
北牕睡覺渾無事，碧樹沉沉鶯亂啼。

白雲寺

王勛

山上流泉瀉玉琴，泠泠過耳滌塵心。便當攜取一瓶去，化作乾坤三日霖。

元極寺

王勅

鶴棲匠氏難尋木，僧住樵夫不到山。更愛珍珠泉裏水，等閒那肯落人間。

石門廟

劉玉

重岡登木杪，幽壑俯潭陰。琴筑含風遠，幃帷隱霧深。屢遊千里月，偶會百年心。寄謝山靈道，商岩已傅霖。

蘭相如墓

劉玉

六國紛紛欲帝秦，魯連豪氣未全伸。咸陽壁返澠池在，氣壓秦王有幾人。

輝縣志

卷十九

藝文

詩

五

全璧歸來事已奇，區區廉藺欲相持。我來祠下停車拜，爲憶當年引避時。

麥畦花草尚餘芬，千古何人酌一樽。惆悵驪山珠玉盡，平羅今有藺公墳。

安樂窩

劉玉

傳得羲皇未畫圖，清風千古此山隅。帝王却喜漁樵對，還許共城舊令無。

百泉書院

劉玉

百泉千古有餘芳，濟濟衣冠集講堂。邵子另傳周曲禮，姚公堪繼漢文章。嘯臺境淨鳶魚樂，別圃春融草木香。爲語諸生須領悟，濯纓吾欲詠滄浪。

東山日上草如烟幾處牛羊趁草眠如此牛羊如此地
不知誰比距心賢

斫月挑雲下碧空晚來薪玉滿城中停車試問腰刀客
恐有奇才臥遠峯

自笑無能樂有餘近來停俸爲徵輸午牕稚子誇能事
臨得顏公乞米書

燕語鶯啼春未闌金樽爭倚玉欄杆使君獨向東郊賞
千朶能行黑牡丹

風翻庭樹聲初歇雲擁遙山勢欲飛好雨一犁看不厭
野人門外穀苗肥

輝縣志

卷十九

藝文

詩

夫

薄暮雲陰合侵晨雨勢連天心消旱沴地力釀豐年庭
漲珠盤走簷鳴玉珮懸使君忘考績一笑吏民前

朝雨不成澤暮雲空復陰望穿農父眼愁破使君心粟
貴如炊玉泉枯似刮金傅霖何日夢聊復禱桑林

公事晚初停公庭夜未高薄田憂積賦破屋計窮丁高
樹風疑雨遙山火見星何人猶版築幽夢入丹青

沿城一望一沉吟愁折春陵漫叟心茅屋破來風更捲
麥畦荒盡雨如金桑林夙昔疑湯旱莘野於今愧傅霖

雲漢欲歌天漠漠餘民如此恐難禁

石徑盤盤轉碧陀遙嵐滴滴染晴波雲開鳥背清風遠
雨過林端爽氣多谷職有人憐武穆巖棲無路訪公和

臨高不盡長安望肯聽南山印角歌

百泉

王 韋

蘇門靈源幾經載旭日毫光射冰海曙星錯落爛不收
或滅或明無定彩瞥然跳出蒼雨過波面浮漚向空墮
山中網得羽衣人噉雪含葩散成唾唾壺擊翻如意柄
泠泠玉斗鴻門破居人夜夜俯首看寶鏡照面毛骨寒
鏡中珠璣首飾碎一一刺目晶芒酸藕絲苕蔓無能貫
須臾萬斛隨奔湍崑崙善泗無所得遊魴躍鯉空波瀾
昔聞南客向予說指天畫地嘆奇絕云是蘇門長嘯餘
震撼擊撞不可居帝遣任公掣牛耳竭來負以雙鰲魚
有時鼓鬣仰噴沫裂石穿沙鳴活活咬雲斂霧歸土橐

輝縣志

卷十九

藝文

詩

七

木難火齊紛如潑我聞此言生恐懼乍到山中不敢住
羽衣挾我坐嘯臺悵望依稀太行樹正月不雨至五月
塵歛道暘思甘澍偶然一掬歸山瓢却問醜醜得來處
手指湧金亭上去滿壁烟蘿鑄秀句人云驪龍水底眠
蜥蜴吐雹皆浪傳因思南客雙鰲語使我岸幘心茫然
曾聞水有鮫人室鮫人織綃夜夜泣千載沉瀾眼未枯
至今海上青綃濕此中別有深窟宅縱使陽侯不能入
陽侯陽侯安在哉人間幻妄那能裁共君濯足躡雙屐
劃然長嘯還登臺君不見覃懷潘倅真落魄曾將濟瀆
斲之澗珍珠寶蓋歸龍宮烹取神魚送杯酌

百泉漫成

王 韋

開遍紅榴滿院花宮牆處處綠陰遮中宵客夢通二九
遶樹鶯啼隔彩霞壁水淵源深不涿藝堂冠珮寂無譁
聖朝文治敷求急縱有田園莫種瓜
旦旦開帷一涉園百門清夏鎖周垣槿花未暮常先隕
楊葉無風亦自喧不向南山通捷徑正從西洛滙真源
殷勤寄語藏修子永夜青藜莫負言

遊蘇門

呂 柟

亂石堆中安樂窩高高風千古重山河我來欲起羲皇睡
細問當年首尾歌

幾雙躍鯉出春磯猶帶青芹翠荇肥隨柳傍花偏戀爾
更堪回首見鳶飛

輝縣志

卷十九

藝文

詩

六

書樓誰構倚崇岑右瞰泉源日噴金寄語諸生應自得
窩中夫子是何心

肩輿扶上嘯高臺萬里風烟撥不開試問孫君緣底事
野花啼鳥不啣杯

石門山

李夢陽

明星欲落開縣城千峯萬峯初雪晴源泉亂石涓涓溢
削壁孤雲裊裊生佔客深穿猛虎窟樵夫習傍翠巖行
仙門屹立三潭水玉鯉空懸一線情

礪道晴雲雪草春石門丹壁鬩嶙峋聞雷不羨蛟龍起
避地翻將虎豹隣少室山人虛索價壺關三老實藏珍
烟花白日經行處鴻雁冥冥嘆此身

中湖寺

李夢陽

龍象何年地千巖一澗迴天清入石鏡竹杪出香臺樹
繞啼猿入人從鳥道來坐餐霞氣曉只擬是天台
陟險叩巖扉一鐘鳴翠微丹崖森竹樹雪壁映花飛屋
隙鳴泉瀉山昏麋鹿歸松風高壑起雲臥欲霑衣

北湖寺

李夢陽

亂山上雲氣孤客發西岑徒瞻北湖寺其如東路心嶺
猿愁暝雨巖鳥下空陰回首太行麓蕭蕭松椽林

南湖寺

李夢陽

中湖果奇絕迂嶺復南湖石磴迴相倚巖泉有乍無開
窻眾壑積當殿一峯孤更覽千林竹因懷長嘯徒

輝縣志

卷十九

藝文

詩

九

湖僧騎牝馬相送石門峯欲仄亂石路日暝漁樵逢蒼
茫翠微裏風落青山鐘羨爾巖居者終期塵外蹤

蘇門山

蔡經

芳草深連小徑迴危亭清傍碧塘隈窻虛轉覺青山近
機息何妨白鳥來野樹樓雲林影動石門懸日暮烟開
登高我亦長舒嘯萬壑松風處士臺

山下寒泉注石湖垂楊團抱野亭孤卽今河洛千年在
已覺炎蒸六月無錦鯉衝萍移小艇蒼波蕩日浴飛鳧
短橋流水悠悠去坐愛風來似舞雩

蘇門篇

王應鵬

蘇門山等卷石東連玉柱峯西接太行麓太行之山

蜿蜒磅礴良天地是爲晉之藩翰衛之屏蔽烟雲出沒變態生寶藏晶光散靈異龍宮虎穴應不閉往往風雷聞鬪戲草木之生何足計蘇門雖小本其裔蟠嶠似重尊宗義大觀之下惟爾幽邃以幽勝名於世君不見宣尼道大如登天當時學者爭相先後來所就各一偏至今文學語游夏宗師鉅匠皆覩顏何況德行如淵騫升高自下古有言人攀太行不可及太行却自蘇門入我來蘇門已淡旬仰高晨夕恒汲汲恨不長風生羽翰瞬息可上青峯巔感茲爲訪蘇門賢堯夫之學之才傳外王內聖誰其全許子姚竇時丁艱講明正道扶危顛諸賢已矣不可作往事遺跡竟荒落里俗循循格古風不知

輝縣志

卷十九

藝文

詩

三

士者誰承學我特文印來茲巡表章崇信人始欽百川滾滾正東下才潭不副諸生心六經羣籍曾討尋支離歲月終浮沉迄今已辨楊朱泣衰運未必能身任凍雲朔雪子廟深古松蒼檜長陰陰握衣端拜一薄醴省惕背負芒刺森尼山若以太行喻諸賢便是蘇門峯

嘯臺

唐順之

晉時肥遯士長嘯此山陰自遠龍蛇跡能爲鸞鳳音清靜同河上沉冥異竹林坐超惟默理妙契守雌心逸駕應難返荒臺尙可臨俯看恒衛水遙見太行岑初冷疎花發扉扃落葉深寧知千載後更有阮生尋

洗心亭借諸生待月

陳慶

洗心亭上月華遲童冠賡歌共待之遠樹忽看生瑞氣
連城隨已映瑤池浮雲任取千層過大曜何妨五夜垂
爲語諸生觀化理由來真體自無虧

冬日同姬克所勘地修武宿山陽寺作 李 愨

梵宮處處鎖寒烟四野同雲釀雪天老衲鳴鐘清座席
使君攬轡駐征驂敢言撫字心存赤祇爲催科鬢欲斑
曉起喜聞田叟報夜來瓊玉遍山川

安樂窩

無名氏

宋室當年正孔艱先生何事臥雲巒頽波運向東流逝
仰止人猶北斗看泌水爭傳高芟製螭墀豈盡負儒冠
曾言皇極堪經世誰許東山老謝安

輝縣志

卷十九 藝文 詩

三

安樂窩

趙貞吉

萬疊青山百道泉一簑烟雨老先天如何尙有英雄氣
暗註皇王帝霸篇

穠翠亭

趙貞吉

晴憐過鳥如飛玉晚上浮亭似汎槎遙憶伊人蒼靄際
水光明處是蒹葭

共姜祠

甘 茹

晚眺柏舟臺炎氛鬱不開綱常一擔重生死兩鬢哀淇
竹凌霜勁泉珠噴地來土人嚴伏臘爲激節風頽

避暑百泉酬王令兼呈翁中丞

甘 茹

帝許專三徑天如借百泉紅塵隨市遠綠樹與雲鄰

嶺屏周折洪河帶繞旋中原
疏眼孔巨浸吐清漣
鑿飲同堯日尋源溯禹年
龍宮沉璧車鮫室迸珠圓
派列金齊湧潭空鏡倒懸
鷗鷺嬉對語藻荇亂相牽
習戰移昆渚逃禪覓輞川
濠梁魚極樂銀漢鵲難填
積浪彌漕艦奔流遍野田
芝樓堪避暑瓦枕足游仙
客有臨淵興誰開問字筵
承家元鳳翥出宰舊鳧翩
東道頗文舉西堂憶惠連
村春雞犬外鄰笛竹梧邊
豈樞歡近烟霞選勝偏蓋
傾槐影轉辰踏蘚痕穿
漸親丹楹合經師絳帳全
懷賢疑卓爾弔古更悽然
臺跡留孤嘯琴心托一絃
步兵狂不改叔夜懶仍便
代阻黃虞竅人忘魏晉詮
窩中窺歷數丸裏弄坤乾
移席虛亭畔看碑勝國前
雨聲

輝縣志

卷十九

藝文

詩

三

欺夜急山色競秋鮮
鐘定雷紛鼓燈搖電雜鞭
八牕風闐闐四面海潺湲
戶敞雙螢度林深獨鶴眠
催詩豪士令投轄主人權
暗辨振振鷺低聞嚶嚶蟬
歌輕裁白苧社冷續青蓮
久抱乘桴癖欣逢解珮緣
賜潮從賀鑿犯斗訪君平去
國身那繫非才歟所憐
朝辭滄水使暮醉孝廉船
劍以風湖別駒因伯樂傳
塵埋霜作双泥沒鐵連錢
利鈍終藏閉元黃忍棄捐
卜居司洞府飛檄領蘭荃
豹隱非吾土鶴棲暫備員
思吳鱸入膾舍魯雉驚絃
邈矣希貞白歸與擬太元
石田躬秉耒茅屋客添椽
抱甕行蒼塢扶筇坐碧巔
鶻冠縫薜荔虎鬚煉丹鉛
酒傍新豐貰茶憑活火煎
喚回焦鹿夢抄盡素牋
篇北關

休上南華註自箋臺垣光萬里知已在凌烟

嘯臺

舒化

棲元石室學無生不向人間混姓名阮籍猶能聞一嘯
自慙今已寂無聲

百門泉

吳國倫

渾渾靈源闢功非禹鑿觀乾坤一勺水今古百門山入
谷驚風雨凌虛儼瓊環啣雲風細細漱石瀉潺潺玉濺
鮫人淚星濛織女髮亂絳吹翠壁空影射元關纓笑滄
浪濯珠爭合浦還吟龍湍未穩躍鮒藻俱閒劔草雙虹
外琴橫萬籟聞臨流蘇病骨撫景滌愁顏河漢津難問
濠梁跡可攀冷然幽意足長嘯俯人寰

輝縣志

卷十九

藝文

詩

三

蘇門卽事

吳國倫

太行出雲雲盡黑一雨須臾山更色偶自兩河遡衛源
褰帷已入周鄘國鄘國如丸彈九州雲林宵寤山蹊仄
村疇迥薄小江南井邑蕭疎自河北共伯逍遙失歲年
孫登坐嘯凌蒼烟仙人不作名山主終古蘇門抱百泉
百泉澗底珠花旋燭地涵空一鏡懸有客臨流不敢照
首遊綠鬢今華顛

蘇門山

胡汝嘉

孫登山澤矐晦迹但長嘯喜怒不入心往往能近道編
宗多白眼於世本寡好一朝聞高風駕言遠相造坐對
更無語無乃異操回聆鼓吹音翻然發山嶠藏

意竭未暇窮旨與獨以無臧否足用稱同調

嘯臺

龍德字

草衣被髮舊雲林徙倚高臺生遠心冷眼三年渾不語
放懷一嘯有遺音臥觀未盡先天易調入無絃太古琴
最是鳳鸞千仞上蘇門山水自高深

春日遊百泉

袁宏道

五里芳菲路依山雪一湖鮫珠鳴石磔鸞尾走蒸蒲乳
水烹茶淨深潭照影無餘生行所願泛泛此中臬
日光來映射潭底幻雲霞凡石皆成怪陳苔盡綴花小
橋通竹院流水響山家一樹棠梨雪深深沒釣沙

初至蘇門定居

郭涓

輝縣志

卷十九

藝文

詩

詩

買宅蘇門下愛此林泉幽仲春風日和花木散村疇柴
門渡流水草閣依林邱東園種蔬菜南畝課耕牛少憩
臨水亭試上看山樓出門聊竚望意行前溪洲明月忽
復上清影隨溪流高堂秉明燭兀坐意悠悠生逢軒冕
貴而匪溫飽謀素心有微倘恒苦不自由僕僕祇相苦
營營何所求六國佩相印兒嫂行趨摠空憐范叔寒急
持魏齊頭茲事豈足道但爲識者羞兩疏誠曠達五柳
孰與儔素位有餘適將隨元化游

清暉閣書懷

郭涓

我從操觚滯京洛十年不到清暉閣水面蒼烟空復生
山中白雲總問却無日不歌歸去來有時還上黜然臺

蘇子徒懷大官米陶公肯負菊花杯水殿山樓長不改
竹林茆屋今猶在可憐桃李向人花不似斑斕當日綠
餘生雖在心已灰閣前花柳爲誰開自恨歸來歸不早
翻令一上一堪哀於今雙鬢紛紛白只合終身爲釣客
天際雲霞知我心世上功名真浪迹蘇門山水天下奇
蕩漾波光自陸離蒼崑面面當牕出翠篠森森俯檻垂
當牕俯檻坐來久水碧山青爲誰有孫登去後經幾時
阮籍別來再見否頓令千載爲須臾水意山靈應不孤
天台未改秦時俗秦岱猶鍾魯國儒不似此泉清且駛
應爲世人洗塵耳灌作南川數頃田釣出中流竟尺鯉
有田可耕鯉可烹山中計樂不計名問君此日登臨意

輝縣志

卷十九

藝文

詩

五

何似他時眺望情

春日孟莊

郭涓

千巖迴翠野一幅寫春圖樓迴芳林聚人間高客俱息
機甘抱甕爲樂慕懸壺華髮已堪惜青山豈負吾

石磧嶺

郭涓

一徑盤山仄千巖到嶺空川原分曠野村樹散寒叢自
喜從漁入誰云與世通棲遲有衡宇指點一峯東

石門山

郭澆

危石潭聲吼相看樂酒杯羣峯高不見忽於雲間開

孟莊道中

郭澆

塵事出門盡野行心乍和秋林方帶果潦水亦興波采

黍涵烟遠峰巒映日多一聲牧人笛爲爾起長歌

梅溪

紀雲鶴

月樹題冰句孤清肖楚材寒香泉上哨踈影月中來玉
蕊雲三素霜毫繡九迴端爲調鼎用未肯傍籬栽

百泉

秦衛周

半生何處是便宜直坐蘇門綠水涓欲識風光難到處
遊人歸盡獨看時

貴不離家遠作官飢寧舍此別求田湧金亭子蒞城北
作畫題詩永百年

山舍秋容有好思雪中雨後亦佳期須知閑客閑中勝
不是閒人亦不知

輝縣志

卷十九

藝文

詩

三

百泉壽家大人次郭九子韻

張克儉

子道未能盡家貧四十年方謀一日養宜在萬民先娛
志須良友頤神藉泌泉得君詩句好山水識微處

輝城夜守

張克儉

山城纔斗大颺忽直流氛定氣籌全局齊心誓衆軍蹶
張匪大勇沉毅乃雄文孰謂書生弱桓桓答聖君

截亂憑神識提兵本至仁假饒爲虐吏誰肯作良民撫
字情彌切貔貅氣益申紛紛星月下壁壘一番新

丈夫心許國精白可盟天物以誠能動城惟靜乃堅火
飛天宇寂月黑性光圓無畏妖氛蟻藏兵在井田

肅肅星辰湛城頭靜不譁枕戈期破敵聚米圖量秣

落沉兵氣霜飛冷劍花滴殘寒夜漏抖擻赤還衙

嘯臺

張克儉

雲霽日霽淨乃鮮風聲雷聲寂乃傳光音生者滅之始
光音生者滅之先世人知生不知滅光音影裏空纏綿
高臺漠漠老天地孫公飛舉凌雲烟當其一嘯嘯已絕
疑鳳疑鸞徒浪說當其未嘯嘯已全只在林邊與水邊
惜哉步兵見地未及此尙爾低徊躑躅於巖前

安樂窩

張克儉

仄徑躡幽巖空山構危閣閒草抽異香嵐翠入羅幕登
閣眺太行峇堯氣磅礴八極瀕無窮俯視小嵩雒萬木
浮翠光綠雲護城郭陂水山下清泉響靜中落靈窟宜

輝縣志

卷十九

藝文

詩

三

幽人先生此安樂經綸天地身藏之在邱壑此處是先
天大易亦糟粕萬古貯方寸眉眼自開擴不是藥許流
草庵甘寂寞

壬午百泉分房

有序

衛之培

壬午河南鄉試以汴受寇圍弗克舉旣而汴且陷泛直
指蘇公請設棘共城獲竣盛事時余以鄴令分校一經
作詩紀之

中土烽烟匝地生高秋殺氣暗文明不因白筆疏金闕
那有朱衣司玉衡重奪龜龍豹虎穴引蹇鵬鴉鳳凰城
愴然爲對青雲客幾罷殘科爭得成

鄭重文場卜地勤蘇門却是待蘇君山如雁塔堪題字

水是曲江尚護雲
謫客疑從鹿夢集
嘯聲欲向彩亭聞
龍門再闢成仙蹟
景物明明畫裏分

百門泉

無名氏

巖際溪亭歲月深
瀟湘一片出烟林
騰珠迸玉難圖畫
明月清風無古今
秋國久沿千里岸
濟民長作萬家霖
誰知樂此滄浪客
獨有澄清天下心

蘇門山

理學和

我欲家蘇門
寄懶課靜功
補山之缺陷
栽萬株怪松

百泉

理學和

我欲家百泉
不欲營菟裘
槌碎諸臺榭
放水自在流

國朝

輝縣志

卷十九

藝文

詩

三

蘇門山

孫奇逢

蘇門之山等一拳
草木不生色黯然
何爲博得古今傳
幽事由來在百泉
百泉奇絕自生妍
山不在高靈在仙
更有名人踵後先
靈脈原自遠山延
千里相望幾盤旋
應有高人得其全

嘯臺

孫奇逢

長嘯山頭事最奇
清譚叢裏另開基
遺康數語深於易
喜怒不形亦我師

餓夫墓

孫奇逢

嘯臺一餓夫
素守溝壑志
同人誦孤詣
行道訝且唱
一客向予言
擬人失其類
欲追採薇人
情事已迥異
之子

無死法千古何所置予謂人盡生誰解生之事人亦莫
不死誰識死之義生也淡視生塵好無一嗜所惡甚於
死故不爲死悻惻隱與羞惡兩念迴環積苟食卽苟生
溺死復手示蘇門來依予故園竟絕意怪癖未足多潔
操良非易客子聞予言爲下數行淚拭淚復沾衣濕染
空山翠

遊百泉諸大夫廢園

孫奇逢

遲我來遊三十年園林臺榭半頽然靈泉珠吐仍依舊
假者難真真者全

誠淫孫並示在家在外諸子若孫

孫奇逢

陶公最曠達惓懷在五子迂叟癡腸人此懷倍難已責

輝縣志

卷十九

藝文

詩

三

子更責孫但恐荒書史非欲騁詞翰詩書養其耻物誘
幸未深立身從伊始毋輕鬪舌鋒羞慎所自起勿輕醜
機心害還中於已留得一分樸循得一分理祖父欣光
榮親知推嘉美爾曹各思之我心已千里

清暉閣步許魯齋韻

馬光裕

山色隨望遠巒隱如伏虎蒼根插空明盪漾珠璣吐幽
異殊人間浩劫留此土荷稻香且清由人致雲雨觀瀾
愜素心雅歌揮玉塵卜易起堯夫動靜果孰愈王事不
敢康使我殷懷古嗟哉叔夜才難乎免囹圄用光貴得
薪安有塵氛苦所以文正公徘徊如去魯朝從嘯臺遊
暮渡梅溪塢斷續林谷聲懸之發軒舉

蘇門高士圖贈孫繼士鍾元

吳偉業

蘇門山水天下殊中有一人清且癯
顰眉扶杖白髭鬚
鷗冠野服談詩書定州城北滏水滸
白沙村畔爲吾廬
少年蹀躞千金駒獻策天子來皇都
腰鞬三矢玉鹿盧
幽州臺上爲歡娛日暮酒酣登徐無
顧視同輩誰能如
十人五人居要樞拖金橫玉當朝趨
今我不第何爲乎
有田一廛書百厨雞泉馬水吾歸歟
七徵不起乘柴車
當時猶是昇平餘一朝鐵騎城南呼
長刀斫背將人驅
里中大姓高門閭鞭笞不得留須臾
叩頭莫敢爭膏腴
乞爲佃隸租請輸率爺擔子立兩衢
問言不答但歛歔
先生閉戶出無驢僵臥一榻絕朝餽
弟子二人舁蓋輿

輝縣志

卷十九

藝文

詩

三

百泉書院今空虛此中聞是孫登居
太行秀色何盤紆
檉楠榛栗松杉楸風從中來十萬株
嘯臺遺址烟霞俱
流泉百道穿階除幅巾短髮不用梳
彈琴橫卷心安舒
微言妙旨如貫珠考鐘擊磬吹笙竽
古人屋壁闡禹謨
異人手授先天圖談仁講義追堯夫
後來姚許開榛蕪
斯文不墜斯吾徒誰傳此圖來江湖
使我一見心踟躕
卽今絕學誰能扶屈指耆舊堪嗟吁
蘇門山下有碩儒
中原學者多沾濡百年文獻其存諸
我往從之歌黃虞
讀薦徵君老師疏賦寄

張果中

旅夜挑燈讀奏箋忽驚牙史識高賢
霜毫色借蘇門月
風韻光搖衛水澶江上有編管漢詔
河邊洗耳虞堯天

聲名從此須銷盡莫使烟霞影更傳

百泉紀遊

孫博雅

戊申春張仲誠先生自上蔡來內黃及門士十餘人聞風皆至相與聚首百泉訪堯夫於月窟天根弔江漢於殘碑斷簡水聲山色鳥唱樵歌先生觸物見化機會心境外諸友聞言超景象解意箇中以山水之良緣成師友之佳會某謏劣迂昧得廁其間弄月吟風喜從茂叔之坐成吟築室久依子靜之船因憶鵞湖會言渾先儒有我之見天泉證道絕後世聚訟之端先生正欲無言吾黨聆茲多術口占里句聊志勝遊

百泉多勝跡孰解水之義泉聲日夜流樂水獨屬智我

輝縣志

卷十九

藝文

詩

三

因溯流來公爲窮源至源泉不在水歸而自掘地處處皆春色天空私鳶魚日日開來入山靜飽樵漁一樽今夕會兩地寸心初俯仰見千古歸途月影疎

夢中詠

冀應龍

入山

澗水潺潺繞逕林風颯颯吹髡團空鳥鴉成陣隔崖紅樹孤村

投村

桑柘密圍茆屋薜蘿謹護柴隣埒雞相依入臥山犬如故迎人

止宿

剩有炊梁爨芋無須爲黍稷雞一二老農共話須臾月
印前溪

臥榻

一榻潛窺明月千秋滿臥白雲依窓蛩啞唧唧遠寺鐘
響殷殷

登嘯臺遙望石門白鹿諸勝

王紫綬

勝迹秋風處處催溪橋隨步人雲堆峯頭星影皆爭下
地底天光忽倒開幾樹空青懸雨立一層虛白擁潮來
阮孫語後何人到不改峻嶒百尺臺

仄梯危磴一盤盤碑碣何年返照殘白草野燒明古戍
黃花陰雪隱層巒荒誅石罅猿啼急獵捲蘆笳雁度難

輝縣志

卷十九

藝文

詩

三

最是晚虹初過雨羣山斜挂碧琅玕

登嘯臺懷孫徵君

施閨章

策杖荒臺雲氣重獨聽泉響倚孤松夏峯見說高人在
知隔東山第幾峰

題夏峰壁

談允謙

半結茅簷半種松夏峰未見有何峰一從公隱長林下
壁立巖巖幾萬重

安樂窩

盧繪

安樂非以地寓形山與竹洛陽亦有居蘇門亦有屋玩
物春山心觀時秋水日既無剝啄紛况有蒼翠轟仄徑
發幽花懸崖秀獨木誰謂烟中泉遠勝雲邊麓臨水桃

花園傍山小樓築先生偶棲遲後人膠止宿寄言憂
途擬議皆鑿錄有斐同勿護何必瞻淇澳

十八盤

郭遇熙

石磴何年鑿崔嵬曲徑斜千峯一鳥道萬壑幾人家林
綠垂朝露葉紅低晚霞盤桓雲路近疑是走龍蛇

中湖寺

郭遇熙

聞說中湖秀攜樽到此間穿林人不見隔岸鳥知還碑
照千巖淨鐘鳴半日閒飛泉搖竹影醉裏破禪關

九蓮

孫淦

石門層疊裹千峯爭向遊人逞怪容驢過崖邊驚路仄
屏浮天畔訝雲濃躡臺神女懸青鏡蓄澗飛潭走黑龍

輝縣志

卷十九

藝文

詩

三

左跨三龕別有徑荆榛空谷少行踪

千尋削壁落眉前窄磴斜排直到天瞥目轉驚來路惡
歇身略倚臥松堅猿藏古穴全無跡梯爛懸崖不記年
絕處劃然山自裂喜從腹裏達危巔

龍鍾老叟起蓬蒿久住山中致使高蔬摘茅厨烹棘葉
茶斟瓦鉢點槐膏虛窻覺曙林啼鳥窮谷知春岸放桃
撥火殷勤一夜語不曾片語染塵囂

屐齒摩天鳥道平下方無際轉心驚石巖口背長凝雪
深塢春遲偶聽鶯雲返危峯千樹晴日沉絕澗萬山鳴
訪奇側下懸崖坐貪看飛泉不肯行

因愛峯迴萬樹青徘徊擬結小茅亭枕須聽水階宜聲

几欲憑山戶莫肩古嶂雲聯千疊翠野花風送四時馨
果能住此塵緣斷儘可陽坡刷茯苓

西蓮古廟亂峯圍松老當門掛夕暉仙迹遍尋碑字滅
樵僧屢出磬聲稀幽蘭綽約依崖茂怒澗縱橫隔樹飛
小僕提籃過溪去訪花緣坂欲忘歸

歸崖蜿蜺尾東蟠撲面相迎盡大觀數里岸分成巨壑
千尋水立墮驚湍乍晴峯自雲中出既夏衣從峽裏寒
應識山靈留客意濛濛細雨濕前灘

烟雲回首隔迷離如此佳山識者誰寂歷無邊方得靜
攀躋難到始稱奇孤高竊喜交遊少磊落何妨賞鑑遲
不是探幽予素癖擔簦那得測藩籬

輝縣志

卷十九

藝文

詩

三

紫團巍

孫 淦

路入石門奇到處多起伏怒峯鬪高空翠色隱相屬盡
日烘裏行變幻無定局遊筇歇偏梁地名巖雲臥巾履凌晨

到三龕途窮令人哭陡壁天削成澄空剛容足魚貫攀
鐵繩蟻行緣朽木俯看下界空蒼茫驕心目細點同行
人多半返山麓梯窮天門開仰身入石罅上方别有天

沿邊徑蟠曲細流吐暗泉足下響飛瀑空谷訝人聲管
見山僧屋不記住幾年面龐迴不俗百里隔夏峯塵緣
苦追逐悔不棄家來長鑿掘黃獨前途雲烟中兩山若

斷續石板二尺寬百步向空轟遊人心膽寒削行笑蹠
跼仄脊凌絕巔諸天縱遐矚羣山四面環拱揖齋獻緣

獨此高插天巍峩掌坤軸道士念我疲留我頂上宿天
闕呼吸通閉目眠不熟只恐罡風來飄搖隨仙族
嘯臺
蔣伊

所思在流水絕磴更尋君獨有蘇門石寧知晉代文半
峯紅日近一嘯碧天聞逸響杳然去荒山空白雲
川上已洗日攬衣來謁君青山容隱士碧蘚有遺文松
籟暮濤急鸞聲靜夜聞悠悠千載後舉首向高雲

嘯臺

蔣陳錫

千載誰同調芒鞋一訪君微茫山外色斷續碣中文瀑
響因風急鸞聲隔樹聞只今嵇阮侶猶得附青雲

崇山屏障

輝縣八景

陳勳

輝縣志

卷十九

藝文

詩

五

太行迢遞百門西翠壓孤城望欲迷巒影淺深隨夕照
溪光搖曳接丹梯虹開飛瀑連還斷雁帶寒雲遠更低
未遍登臨塵盡滌山青水碧一枝栖

大川環繞

陳勳

靈源萬斛瀉平川漱石穿雲起暮烟惟有源頭清見底
故教深處碧涵天月移匹練看如畫風入前溪醉不眠
千里輓輪資

國計春流無恙惜涓涓

蘇門曉色

陳勳

一片晴霞曉氣侵蘇門好景愜幽尋珠翻泉底魚龍影
日射山腰雲樹深芳草經春常礙馬荒村近市亦成鄰

相逢誰是忘言者臺上空聞鸞嘯音

百泉湧金

陳勳

川上孤亭俯急湍綠萍紅荇映青山沙噴金玉分晴雨
客到春秋數往還竹裏泉聲千壑應樽前詩思一鷗閒
憑欄奪目光如許點石今疑問水間

層樓抱翠

陳勳

清暉高閣砥中流迴望蒼烟入座收六月蓬萊几簟冷
四山嵐氣雨花浮松風竹籟留孤韻人語溪聲共一樓
雲影碧波天上下恍疑神女弄珠遊

貞節古臺

陳勳

千年松柏晚含英婦道由來重死生人以荒臺知衛國

輝縣志

卷十九 藝文 詩

三

天教貞節表共城源泉洗盡鉛華態淇竹長留粉黛清
多少鬢眉應有媿何嘗閨閣擅高名

凡城夜月

陳勳

皓魄經秋洵彩霞天高露冷漾銀沙溪雲乍斂光猶濕
雉蝶空懸影未斜柳壓低橋迷野渡烟凝老樹好棲鴉
繞湖款段歸來晚城角悲風咽暮笳

安樂遺窩

陳勳

閒將四物養天真想見當年學易人山弗求深心自遠
川因不息地無塵花閒屐齒侵苔綠雲護園扉冷竹筠
解得箇中安樂趣魚竿詩卷盡生春

闕百門泉五闢改建石絡偶賦

王新命

泉源載風詩水利由來久居人建五閘蓄水灌畝畝衛
河漕百萬亦藉此清濶每歲五月初啟閘有典守五月
正農時農人良掣肘

聖皇軫如傷綸言甚明剖漕運與民生自當計不朽余來細探
驗設閘均平否止塞下不流未免滋弊數啟板流卽竭
苗稿誰之咎水利本自多何必多拘狃約法一更定用
竹編成篋接取粼粼石貯之各渠口涓涓晝夜流不先
亦不後終歲水常盈公私均得有此法無偏枯只在一
舉手駐馬百門泉歌詩喻童叟

和韻

閻興邦

衛水百泉來與地同悠久古人設五閘藉以滋南畝歲

輝縣志

卷十九

藝文

詩

三

旱截其流停蓄成清濶自用注漕河一一置防守兩岸
多膏腴縱橫連臂肘蒿目不能爭呼籲求分割塞恐誤
神倉洩慮禾枯朽

王言詔臣工汝往相可否因思兩利兼取竹淇之藪盛石邊奔
瀉灌溉水無咎但求作法良勿爲時俗狃溶溶蹙細波
涓涓出巨簣如身血脈通導言必宣口濟漕在所先滋
農寧敢後

國賦達 京師西成慶大有檣帆與桔槔運用猶轉手作
歌立河干殷勤告童叟

和韻

俞森

衛源如珠貫造物噴湧久合流走千里停法裁十畝

山既偏淺帶雨自清濁灌溉資民生轉漕費官守兩利
欲並存朝野苦掣肘司空坐遙度大勢早立剖駸駸攬
轡來措置功不朽試問神禹書有此制作否天精既遘
行桑麻亦利藪能參天地化咸脫公私咎爭美今公溥
乃嘆昔拘伊淇園竹菁菁子來競織篋蘇門石磊磊層
累移開口原隰絕旱乾輪將無先後從此共伯城歲歲
書大有拜表天開顏竹田農業于雲章一載磨歡聲浹
童叟

和韻

胡蔚先

淇流偕衛泉葩經垂之久浸灌育萬物今古滋南畝飛
輓慮愆滯藉此涓涓瀏杏花苒葉時閉閭專司守抱甕
賴存活用之嗟掣肘

輝縣志

卷十九

藝文 詩

三

聖明照萬里

絲綸特垂剖

天庾自云亟民生恐凋朽河使盤輿來探源詢可否深念五
閩計堵板藏姦藪再令秔稻枯農困能無咎琴瑟解絃
柱張弛破拘狃良法運經綸嘉謨創諸篋滂浚走石罅
防川慎防口

國計與田疇兼利均先後漕艘既通津歲功亦大有菑是
平等心山靈應拱手霖雨沛浩蕩千年活童叟

百門泉

俞 森

赤地宜枯總不枯靈源探得亦虛無輕鋪謝眺詩中練

細湧鯨人泣後珠今日

神京勞輓運昔年花縣變膏腴風前搔首臨淵客願借甘

霖慰此都

共姜祠

俞森

共城千載下都解頌共姜自昔維之死於今竟未亡天

愁歌柏汎臺古冷椒漿共伯曾無迹留名得共長

百門泉

王贊

水流山峙爾人評譽盡烏絲與管城不把峯巒供畫譜

且呼花鳥入詩情石間疊浪驚風烈竹裏層陰蔽日晴

囑語山靈虜我席泉聲留着伴書聲

重修孫公和祠

孫用正

輝縣志

卷十九

藝文

詩

九

我家嘯臺旁恨未得聞嘯斯人已千載俯仰恣憑弔先

生真大賢學識俱遠到遯世而無悶孰能窺其奧土窟

別有天中懷何浩浩身世已忘機寒暑詎能撓無喜亦

無怒涵養想深造阮籍徒猖狂嵇康亦輕躁才大乃不

用識真義微妙平生喜讀易斯語抉其要緬彼魏晉間

儀象失光曜默以藏吾身避世固有道體用實兼備茲

已窺全豹諸葛臥隆中一出著明效太公不遇文渭濱

亦終釣見則為伊周潛則為孫邵先生跡獨奇遂有仙

釋號神仙無實用石隱不同調高臺萬古存勉勉從吾

好

創建百泉共姜祠

孫用正

道在深閨不爲名高祠誰許比崢嶸志堅山石翻增重
行潔泉源欲讓清大節天開周節婦諡共地借古共城
須知王化從茲始俎豆馨香百代榮

住泉上連日陰雨放歌

孫用正

泥滓更無遊客至泉靈應亦喜清閒魚兒戲水浮還沒
鷺子翻風去復還僧笛聲傳殘寺裡牧童歌聽白雲間
公和一嘯留千古長使孫家占此山

自嘲

孫用正

堪笑老翁八十五浮生碌碌無足數赤貧還博多事名
豈真揮金竟如土宅畔先祠創三楹泉上專祠亦獨成
故園祠墓竭綿力十年奔走爲雙峯

在易州西山先徵君書院在焉爲土

輝縣志

卷十九

藝文

詩

四

豪侵占十年始復故物

雌伏寒氊二十載浮心躁氣何曾改禹許

兩地新學宮書院創建生光彩歸來老興尙勃然馮婦
攘臂在百泉官紳提攜不我棄山頭頽敗忽新鮮途窮
偃蹇謀家計衰殘門戶思收拾禍機還從多事生電光
閃爍聲霹靂聲震四壁正嘍嘍又欲爲人補敗牆祇知
宇宙皆吾事誰管荆棘滿道旁多事不如省事好決計
改過身可保方愁公和嘯臺廢半途又有高子專祠建

當蚤

除夕示孫曾

孫用正

八十八年歲又殘椒觴細把坐更闌門中日月消磨易
有限時光再得難貧到不求纔見品拙知守分勝爲官

堂名孝友傳家寶留得些兒耐歲寒

別安樂窩

楊世鼎

苦樂在心非在地安危從理不從勢夫子清風扇雨開
詎屬遺窩培塿際歸去來兮別几筵天北天南一經世
高子祠落成喜賦

孫在城

轟轟太行山浩浩百泉水鍾毓代有人首推子高子善
執親之喪三年無少弛守法刑衛人報怨別者恥越世
已數更歷歷載經史廟食徧寰區專祠缺桑梓先祖彌
留時諄囑情靡已創興會有時後賢當蔚起卓哉信國
裔紹聞世濟美

簡命撫是邦政清而事理石砌雙溪橋險道坦如砥邑乘六十

輝縣志

卷十九

藝文

詩

聖

年筆削匪昔比

聖廟次第新爰及先賢祀典缺二千年廟貌自茲始清俸倡
百金貲捐逮紳士董率委師儒兩賢同意旨鳩工而庀
材相基以築址堂室奧且深陳設潔筵几明德馨黍稷
肥膾肆羊豕禮拜徧官紳奠獻謹視履事在崇前賢志
存訓問里去智寧效愚風聲儼提耳人人勵敦龐世世
檢行止庶幾廟貌隆不僅具文矣余愧廁儒林奔走供
役使過化仰蟹筐重道咏樂只雙美一舉全曷勝慙私
鄙雖乏遂歌才落成聊紀此

選期已屆作此自勗

周際華

利鞞名繯一例牽登場傀儡最堪憐殘杯冷炙擅腥事

選妓徵歌罪孽緣黑夜有人投白鏹蒼生何處見青天
問叩幾日從官去肯要兒孫薄福錢

謁孫夏峰先生祠

劉大觀

故鄉蹂躪不可住蘇門風月成新交山徑幽深采薇食
處貧不怨心囂囂泉上祠堂鏤貞石蒼松翠竹鳴秋濤
八九年前撰遊杖名香一瓣祠中燒兩朝徵書十一賁
先生固是人中標傳經守道學者事不袒閩洛攻餘姚
廬墓衣傾六年淚麻冠突兀驚猿猱此是綱常大根本
一髮不容爲動搖孝友餘波及義俠鹿伯順來盟久要
衰季用人不可測剪除麟鳳留鴟鴞左魏褚衣赴厥獄
刑餘黨炤方凌熯先生爲國惜元氣擬變棘刺收瓊瑤

輝縣志

卷十九

藝文

詩

三

高陽入覲事不果一茅一鹿心空勞此亦賢者大作用
惜乎權柄不我操却念并門傳青主伏闕上書寃獄消
崇禎中袁臨侯督學山西爲巡按御史張孫振誣劾被
逮傅山橐饋左右伏闕上書雪其寃焉君常作義士傳
比之裴義舉關乎幸不幸未能一律繩英豪吳下更有
瑜魏劭

徐昭法忠臣後裔潛蓬蒿開府入山屏輿從終難一觀
雲中樵三子可入逸民傳名可得聞不可招晚年日飲
百泉水餓夫墓上風蕭蕭理學宗傳初問世中州人物
亦發雕百年孳孳法孔孟寸陰尺璧無輕拋天下讀書
向上人誰不仰視如斗杓靈泉居士作銘誌體例森嚴
無妄褒豈必河汾出將相宏謀大業爭岩嶮睢陽弟子
合廟食曾受先生勳與陶先生之風何其高

和劉松嵐觀察謁夏峰先生祠原韻

張德鳳

勝朝中葉國是變盈庭黨論紛訐交關門鐵牡倏飛去
昏昏九野多塵囂廟堂否隔百爲廢有如日下江河濤
沉復逆璫扇凶焰芝蘭梁棟同摧燒天生先生丁厄運
耿耿獨立陵清標讀書致用早有志誓埽荒穢追黃姚
一朝發策筮蜚遞空山獨往儕猿猱徵書屢下縣官促
介石之守誰能搖蘇門百泉富山水厲公暫廡成久要
雲從風至學徒集好音一變懷鷓鴣山中歲月自清晏
坐觀斯世方蒸燻重恩往事三太息崑岡誰與完瓊瑤
偉節西行難不解晉陽舉甲謀空勞大厦將傾事機失
此有天意非人操乾坤重整道方泰陰霾一洗如冰消

輝縣志

卷十九

藝文

詩

四

昌明正學偉人出門下著錄多英豪同時幾輩毀冠服
競學出世潛蓬蒿孰追絕景紹周孔遺經撥拾供蘇樵
先生守正不變塞冥鴻畢竟誰羈招昨從夏峰謁墳墓
兩行松柏陰蕭蕭崇祠新葺聚忠義姓名一一重鏤雕
人生大節在君父忠孝肯以浮名拋扶持後進述聖業
如山有嶽斗建杓亭林當時發異論木兔狷狹輕彈褒
太行西來接山麓清風千載同岩龔裴哀庭宇肅瞻拜
几杖惜未親甄陶長歌仰止天爲高

和劉松嵐觀察謁夏峰先生祠原韻

周際華

人倫道乖士風薄公叔著論稱絕交門戶攻擊甚明季
三案翻覆爭喧囂東林復社繼起仆風會所騫如奔巖

清流受禍自茲酷赤舌竟可將城燒先生急欲爲宗祠
尙以講學相矜標奈何小儒尙目論謂沿定論宗餘姚
古今聚此一邱壑如賦芋栗愚狙獾大賢心事若皎日
卓見豈以禍福搖惜哉秘策棄不用鸞拳兵諫非君要
剪除兇豎培國脈何至廟社盤鳶鴞遂使羣賢共糜爛
緹騎四出威炎熇計窮力盡救不得一朝碎此千瓊瑤
人之云亡邦國瘁崎嶇寇盜身勞勞易州山中結鄉社
戈甲未免親持操偶然避地樂斯土躬耕坐待烟塵消
鼙鼓聲中思將帥九原碧血多英豪刑餘廝養竊魁柄
宗廟一旦成蓬蒿空山迴首弔陵關往往涕淚驚漁樵
國恥已雪世清泰隱矣不用夷齊招遺祠百載就傾圯

輝縣志

卷十九

藝文

詩

四

使節暫住虔熇蕭安神興葺屬守吏但取渾樸無斲雕
更闢三楹祀忠義尺椽片瓦非輕拋表章逸軌勒貞石
啟牖後學如指杓先生淵源溯洙泗匪以義俠輕揚褒
安樂窩連嘯臺轟清風亮節同萋萋編年紀事有手錄
但書甲子如追陶千秋徵士先生高

重遊百泉

張德鳳

去年我宿泉上山窮冬景物殊蕭閒五更山鳥喚客起
坐看萬竅生雲煙雲耶水耶香莫辨初如擁絮旋堆綿
須臾日出煥五色正練散掛千林巔別來兩月重命駕
春陰澹沱逾清妍山禽弄吭似相識開闢一串驅珠圓
幾株紅杏媚幽獨萬箇翠篠含便娟雨收雲散一廬展

四山倒浸壺中天更上高臺一長嘯招邀鸞鶴來飛仙
廿年奔走因塵土茲遊信美應前緣故鄉亦頗富山水
一朝千里移眼前東坡卜隣舊有約東坡有與柳子
玉卜居百泉帖欲
住經少二頃田却憶徵君寓居地放歌應不唾狂顛臯
比坐擁媿無似心傳倘許窺遺篇使君政成振文教崇
祠新葺昭蒸虔徵吉祠
新落成勸農巡行兼勸學坐聽四境皆
鳴絃千秋絕業今有託不信請看山下泉

和張梧岡太史重遊百泉

周際華

山水舊有緣來此主百泉百泉愛我能愛客我愛百泉
致遊仙丙戌冬君來遊泉上愛其山水清
曠適余重建共城書院延以主講仙人愛飲百
泉水水到仙心渾不滓放眼直亞太行山一嘯臺空鸞

輝縣志

卷十九

藝文

詩

五

鳳起重來泉上泉清腴泉頭冉冉春雲鋪自捫臣心得
何似慙媿前人冰一壺君不見山前山後皆瘠土十萬
人家貧且魯勸農勸學幾時成搔首嗟嗟百泉主

戊子伏日勸農紀事

周際華

驅馬出東郊沿村路半均新苗齊見穎早穗已含苞歇
晌人初睡停耕鋪亂拋不防官吏到申勸聽嗷嗷
犬隔踈籬吠停鞭住小橋樹深三徑晚菓熟一肩挑白
髮牽裾坐蒼生信手招我來相問訊何事畏官僚
土酒濃於水金錢少似刀人能甘力作我共念勤勞命
飲何妨醉嗟來不用逃偶然施小惠猶自愧屯膏
歸去日西落殘筐有賸糕新桑留綠雨老竹冒青袍燕

剪輕疑墜蟬聲軟更高南城好風景相顧樂陶陶
又出西城去農忙日正驕其人身似聖厥作汗如潮水
不療心熱瓜難襯腹枵馬頭泥首拜相望赤條條
幸得連番雨芄芄慶黍苗溪流時有鷺風靜不聞鴉香
稻隨雲拂高荷帶日搖前村多竹樹何事畏炎熇

勸種桑

周際華

種桑資民利栽桑利更奇期年頻濯楫三歲總多枝共
畝生如黍成陰密作籬女工從此課牆下日遲遲
况救共城弊斯民倍急時男兒休歇胸婦女早纈絲拾
麥成何事燒香更不宜可憐生計薄消息有誰知

莫道桑難植鄰封處處宜

澤州林縣內黃
泮梁皆出細

有泉尤易沃

輝縣志

卷十九

藝文

詩

吳

積歲便居奇蠶理隨時講民風自此維古來根本業舍
是復何爲

蠶種如何發秦觀論可師化蠶由繭脫煮粥藉神司按
候知眠起求桑趁早運慈心飢與病何日是閒時
其聲如下筆此際費支持辨色須防惡盈床莫妄移煮
湯抽乙乙顧杼織絲絲上下分功力辛勤課女兒
年年苦費詞百姓罔聞知大利原歸汝持籌適在茲遵
循期有效傲慢恐難欺子產曾開畝何妨受謗訾

勸士

周際華

儒豈衣冠具乾坤重一身名將思責實火必慎傳薪不
抹潘江富先尊董策醇若非懷器識何以異村民

拜獻資何用言揚制藝陳白頭羞學究青眼屬才人仙
骨原無種花思只自新邇來相授受指點盡迷津

焚却家藏稿陳言去務真白文爭熟讀黃卷久相親切
忌烘冬味毋為拾唾人西施原可效何必效其顰

先輩行文法無如清與新擇言原貴雅立意總求真蠟
味苦人嚼油腔偏自循與君謀擺脫不惜誇諄諄

溧水論文則驪珠世所珍史禮堂先生著 諸生如棄舊

此後與圖新經史宜師意倫常只問身眼前皆妙諦勿
枉費艱辛

欲學工居肆應籌負笈春仙源漁父在鹿洞桂花新新

書院中桂樹長茂屏去當家愿成茲力學身此中三不朽莫自

輝縣志

卷十九

藝文

詩

七

誤頭巾

勸農擬古

周際華

來汝農民予告汝以耕汝不聞

天子祈穀於上辛三推以示勤惟暨乃僚罔敢不欽矧惟司

牧敢不是循矧惟汝農民敢不是遵汝母逸乃身毋自

惜汝形汝有慈親菽水其何承汝有妻兒啼號其何藝

汝有姻婭周恤其何能賦于汝征役于汝興游惰之不

懲罔克胥匡以生我惟時其闕汝耕耕胡不深闕汝于

耘糧莠不少不為非種之鋤而莠稗是并越其罔有西

成汝能無悔于厥心予姑不汝刑為汝課雨與汝求晴

汝熱欲飲予酌汝以尊汝飢欲食予餉汝以飴惠汝泉

刀雖無補于汝貧聊以見屬勸之殷殷

衛源

麟慶

雪晴觀衛水尋路過共城民氣此中古泉源分外清孕
靈澄碧落利濟到蒼生寄語巖居者休徒羨濯纓

嘯臺

有才甘不用長嘯說山林已息龍蛇跡能傳鸞鳳旨道
通三絕易心契一絃琴臺頂留遺像高風滌我襟
安樂窩

宦海半塵鞅今來安樂窩寫魚叅易妙桃竹得春多放
誕非真率從容有太和小亭標擊壤正好獻衢歌

孫徵君祠

輝縣志

卷十九

藝文

詩

吳

三徵仍不起道寄夏峰尊嘯咏聯前輩聲華重及門新
碑容我讀良史倩誰存抱得遺書在名山盡屬孫

百泉

從我皆仙吏相邀問百泉波心清見底池面淡霏烟映
日金齊湧涵虛鏡倒懸臨流看不足竟向水亭眠

清暉閣

清暉聯雪月貯我在冰壺樹影疎還密泉聲有乍無在
川尊孔氏樂道契堯夫夜坐清如此休誇明聖湖

白露園

清曉山禽鬧歡呼喚客醒一園題露白萬竹掃天青雪
意侵書幌烟光展畫屏摩挲看肺石灌頂水玲瓏

共城留別

共城賢令尹此地幾經營栽竹迎門綠疏泉澈底清風
流君嗣響遊咏我含情欲訂重來約春鷗合證盟
百泉八咏和麟廉訪見亭先生原韻 周際華

衛源

利濟通瀛極巖威擁列城一亭碑篆古千尺水源清廟
貌丹楹啟風雲畫棟生名賢共棲止肅拜整冠纓

嘯臺

何處聞天籟翛然出遠林當年嵇阮輩總未許知音
曠留真璞希聲緬古琴松風好披拂長嘯更開襟

安樂窩

輝縣志

卷十九

藝文

詩

晁

先生居洛後安樂有行窩此地棲遲久當年著迹多扣
門來邑令比戶得公和飲酒抒天意從容發浩歌

徵君祠

巋然喬嶽像耆宿更誰尊道脈薪傳火叢祠竹滿門著
書今尙在種柳已無存寂寞南村路雲仍幾代孫

宿百泉

霽雪迎晴日行轅駐百泉閣邊喧櫪馬竹裏送厨烟入
座春風早當階皎月懸門闌官鼓靜鷗鷺亦安眠

清暉閣

水閣臨虛牖清光滿玉壺冠襟涼似洗河漢澹如無淇
澳懷君子干旌詠大夫水鄉遊覽遍還擬住西湖

白露園

竹徑鴉啼曉松陰鶴夢醒野雲彌地白濃霧失天青映
日澄波鏡依林廠翠屏山僧清磬發時聽玉玲瓏

共城留別

勝地追陪切寬閒謝屏營仰山知面俗酌水勵心清圭
臬遵新令芝蘭憶舊情熙春肯停幃倒屣望前盟

秋孟賞農

周際華

閒尋野老敘郊垆說到田功我慣經百里那堪逢旱澇
幾年差幸絕蝗螟深愁課織桑難種可笑談文牧暗聽
多謝壺飧好收去莫勞朋酒上公庭民問有欲爲予
祝壽者力謝之
去歲農官今又來可曾相識莫相猜帶花香隴連天遠

輝縣志

卷十九

藝文

詩

五

隔水吟蟬倚樹催好雨過多原是福秋禾已熟竟無災
邨莊兒女都勤甚不信遊民勸不回

指點前村與後村稻花香裏過雲門新菱乍試變爲液

嫩藕初抽月有痕草地放牛誰掛角路旁栽樹已盤根

一聲智井聞人溺生怕奇冤落覆盆

適薄壁報有
落井之案

忽轉山陽抱旱憂癡心直欲向天求最憐嘉穀空盈畝

又念窮民望滿篝半夜征衣幾點露五更叱犢一犁秋

蒼蒼於物終仁愛慰爾農人自有收

重疏玉帶河紀事

周際華

太行山壓蘇門巔萬道珠光噴爲泉此泉南下不肯住

孤城無復水迴旋海虞陳君擅風鑿

陳侯必謙
肇修此河力挽狂

瀾走東偏遠道一千五百丈城頭逖聽流涓涓朝現紅
霓影夜開新月弦名之曰玉帶毓秀已連年滄海桑田
良有數誰遣精衛啣石填兩番疏濬終淹沒涓涓
後疏八十年來徒棄捐慙予偶作百泉主徒手焉能障
百川口舌勞勞歷三載一朝志士爭相先春雪融透隴
頭麥春風吹暖河上烟我行才于青鞵鞅綠楊紅杏齊
鮮妍二十里分四十甲遙聞磬鼓聲喧闐羣兒不慣溫
存語得蒙獎藉喜欲仙歌聯兩岸不知倦蠅子迴環九
曲穿幸哉年豐民氣樂不指澤門怨帽帽願得安流長
相守扶輿淑氣鍾綿延吾亦謝吾之仔肩

重遊百泉

楊芳

輝縣志

卷十九

藝文

詩

五

重來瞻靈泉慨茲太行麓鳴鶯止細柳游鱗漾修竹動
靜索奧旨天根剝月窟滌垢快神思盪胸怡心目西望
侯兆川神驚鬼猶哭屈秦欽完璧敗金壯武穆五百餘
年後滑臺賊窟伏湯陰集戎伍鬚鬢蒼越宿勁旅靖逆
氛京觀列幽谷念彼蠢蠢者何事不積福積惡天降灾
斧鉞膏皮肉求治敘彝倫心香祝九牧

庚寅八月十一日禱雨歸途馬上口占

周際華

早到深秋種麥難石門曾記有新壇

丙戌夏祈雨于此立應

明知

自取貪天罪爭奈斯民屬宰官

最香風味出田家遺我瓜蔬意足嘉

土樓農民羣赴石門饋給瓜茄菜蔬

等報德欲憑川嶽惠可能霖雨到桑麻

望雨何期月又來山門一夜幾回開夢魂誤聽潭聲急
疑是三仙早降雷

五更潭影更清冷似有龍吟不敢聽可是神靈工變化
出山雲氣已亭亭

鎮日心旌寄石門誰驅甘澍出雲根年年都向壺中過
此夕方知天地恩

披衣起舞誦神功山澤原來氣暗通仁愛自天千古事
何勞邑宰過冲冲

嘯臺

昇寅

阮籍疎狂得未會蘇門長嘯有高朋如何親聽鸞鳳響
獨讓孫登百代稱

輝縣志

卷十九

藝文

詩

三

安樂窩

昇寅

先天皇極等河圖縱有真傳穎悟無非載若非拋枕力
焉能安樂獨堯夫

贈周石藩明府

昇寅

勸農興學日提撕古蹟殘碑補築齊卽此數端知化理
家風真不愧濂溪

昇賓旭總憲巡閱駐百泉上留詩見贈卽此和之

周際華

忽然天上下將軍翠竹蒼松繞絳雲春滿兩河思挾纜

詩翻舊案出奇文

先生有蓬萊閣諸葛廬百泉諸詩不捨前人餘唾

冰心自昔

原無染諫草隨時早暗焚大纛高牙何足貴如公聲望

蘇門何幸使星來
泉水涓涓任溯洄
千里紅塵聊小住
一雙青眼已全開
高懷寄與公和嘯
碩輔生成宰相才
許我登龍忘俗吏
郵筒往復費親裁

叠次寄書皆係手出

遊百泉登蘇門山留題

文 冲

來遊太行麓
獨弔蘇門山
長嘯一聲歇
高臺千古閱
巒看簇簇
泉水聽潺潺
愧我風塵吏
明朝騎馬還

贈周石藩明府

文 冲

咄咄周明府
相逢分外親
為儒能闕佛
作吏不因人
泉石半生趣
泉上磨磚砌石九年不斷
絃歌一縣春
無端重來訪
蔬笋

味宜真

輝縣志

卷十九

藝文

詩

三

和本道文一飛先生原韻

周際華

豈不雲泥隔
追陪氣味親
鑑光容俗吏
詩力薄前人
卓

有河干論

先生謂黃河宜復故道有神禹不來憐下策之句

洪茲郛屋春

河朔三部

先生獨力撫慰
巖巖風骨峻
惟此性情真
之人皆感德

重來百泉上
豈為百泉親
眼底江山跡
胸中唐宋人
先生

尊事唐
宋先儒
功名不講俗
先生以氣節自高
議論長生春
痛快排仙

佛吾儒此見真

贈周石藩明府

王元壽

共城十載聽揮絃
遠邇同稱令尹賢
有子半成朝內宦

嗣君子倫子嚴均以名進士供職部曹
如君真是吏中仙
循良餘事營山

水經濟宏才著
備細或向先生尋
治譜省從兩錄編

研先生集中有省心錄從政錄語
語真擊大有益於世道人心

臺閣林巒別有天偶來小佳亦前緣山頭翠簇層層密
水面珠翻顆顆圓好景應為中土冠名區況遇主人賢
輕軺欲去仍留戀半為先生半為泉

遊蘇門山百泉出此山下

嚴遂成 補遺

蘇門山瘳隘濯濯無顏色孫登鸞鳳嘯縹緲霧空碧風
雨颯中天百獸為之匿臨眺動羣疑虛名若浪得而我
不謂然闖微貫撫實此山空其中上土下則石萬竅搜
天根一綫貫地脉靈氣縈繞之源源通不塞運濟衛河
流濫觴鑿縫圻其功助灌溉其害謝冲激倒浸玻璃屏
山固兼水德嗒然不自明惴惴道用默受侮於目論甄

輝縣志

卷十九

藝文

詩

五言

藻賴賢識朗朗見山心白雲澹勇悻清輝閣名良復佳試泊

張融宅

附十願并序

石藩周邑侯治輝十載實政多端不可枚舉本年

朱蔭堂先生為豫省方伯公以姻親迴避去任邑

民留之不得乃為歌送之名曰十願歌歌曰

霜風攬樹聲颼颼我侯去輝逢三秋黃童白叟攀轅

留山川無色天為愁我侯遷陞在吳會光儀遙望雲

山外但願他年重返蘇門山千家萬戶皆歡顏

程邵姚許聚此邦誰歟接跡兼山堂我侯先後遙相

望篤行實踐非尋常公著有省心錄皆言修齊之要務召杜誠哉民父

母區區豈足報高厚先時邑民上更願位置我侯山

水間名與昔賢共長久

輝縣志

卷十九

藝文

詩

十

襪襖團坐聲嬉嬉共聽我侯勸農詩公著有勸農詩刊布邑中

此中何預我侯事焦勞終日心憂危飄然一去誰憐

我黔陽萬里烟雲鎖惟願侯之善政垂千春沐其德

者思其人

山漲澎湃聲喧豗良田轉瞬成汗萊我侯捐俸重疏

鑿從此倉赤登春臺紅石堰築如鐵牢峪水淨綠環週

遭公重疏聶公渠又築紅石堰以防峪水但願水利永不改千載我侯

川上在

講堂新設張臯比諸生魚貫何委蛇我侯退食問晨

炊猶搜箱篋延名師公建百泉書院于城內所聘山長如張梧岡太史劉杞南給諫皆

當代偉人束金悉出自己囊所成人文蔚起聯甲第果

就人才甚衆鄰邑且多有來學者

然高折蟾官桂甲午乙未兩科獲雋者四人但願賢令好士皆如

行見韋布化青紫

環宅若畫濃陰涼倉庚音滑如嬌簧中有女于織七襄

機聲札札聞隣墻問何以故風俗良皆因我 侯勸蠶

桑公有勸種桑詩且立機房以教民織但願民間衣帛遍黎老不借天

公黃綿襖

秦鏡照膽明如何我 侯高坐威嚴多鬼蜮現形魑魅

懼相戒莫犯包圍羅至今治輝十年久巷無打降與酗

酒俗謂鬪毆為打降亦嚴禁棍徒皆為斂迹公出但願此後闔境無強梁耕

食鑿飲遊羲皇

琳宮梵宇窮人工沙門惑衆談虛空我 侯捧喝如霹

輝縣志

卷十九

藝文

詩

三

靈力維人道倡文風改建義學二十處至今牧童皆識

字公著佛說戒民事佛改寺宇為義學二十餘所紳民皆踴躍捐田以供膏火之費共願我

侯食報繼書香子孫俱作紫薇郎

玻璃十頃涵雲烟湧金噴玉翻珠圓天生奇物不容沒

雲石高矗船房邊公重修清暉閣及泉上諸亭臺又修船房三間從泉中掘出雲石作為

記立于船房之南君不見清暉高閣波心起傾欹有年今就理

吾願遊人思所來莫誤此間作海市

侯來十稔閱星霜百廢具舉綱紀張我欲忘之不能忘

新修邑志堪參詳公重修邑志補錄八十餘年遺此事而公之實政亦略見於此此

去何方作霖雨億萬赤子尖哺乳但願我 侯眉壽登

遐齡舉世永奉為儀型

道光乙未秋九月望後八日邑人郭琬敬錄

輝縣志

卷十九

藝文

詩

六

